

算 學 叢 書
第 一 種
最 小 二 乘 式
李 協 著

商務印書館發行

中華民國十三年六月初版
中華民國二十二年十一月國難後第二版

(三二一六)

算學叢書 最小二乘式一冊

每冊定價大洋壹元貳角
外埠酌加運費匯費

著作者 李

協

有所研究必印翻版*****

發行所

上海及各埠
商務印書館

發行所

上海河南路
商務印書館

最 小 二 乘 式

目 錄

敍 論	1
第一 章 論觀察之差及其分類	3
第二 章 論或是率,舛差之或是率	5
第三 章 論舛差函數	12
第四 章 論或是舛差	22
第五 章 最小二乘式之理論	29
第六 章 最小二乘式之理論續,論權	35
第七 章 論舛差之傳播定律,結數之均中舛差及其權	43
第八 章 觀察之分類及其平差術	54
第九 章 論非直線方程式及經驗方程式	65
第十 章 論權系數及間接定約觀察之均中舛差	74
第十一章 論 GAUSS 標準方程式之排列式解法	87
第十二章 論定約觀察之副係數解法	108

最 小 二 乘 式

敍 論

余今將以一種最緻密之算法，名曰最小二乘式，介紹於吾國。此法用於測量地域，用於物理化學等觀察，平其舛差可以得極精確之結果，爲用甚要且鉅也。

中國訖今尙無最小二乘式算法譯本，或關乎此法之著述，足徵吾國人對於科學之懈弛。顧此法在歐洲則非新創，蓋闡明已百餘年矣。

1795年，德意志著名數學家 Gauss 年始十八歲，已闡明最小二乘式之理。同時法人 Legendre 亦有此發明。1806年已著論行世，而 Gauss 之法則於 1809 年始經宣佈。

發明之權，以前後論，自應屬之 Legendre。顧 Gauss 獨能力窮此術，闡發無遺，踵其後者又能窮致其用，而在法國則反寂然也。

最小二乘式之名，則由 Legendre 始，蓋 Legendre 1806 年所發表之著作‘測定彗星軌道新法’(*Nouvelles méthodes pour la détermination des orbites des comètes*) 其附卷有 *Sur la méthode des moindres carrés*，最小二乘法論文也。Gauss 第一宣布關乎此法之著作，則爲臘丁文，名曰 *Theoria motus corporum coelestium in seconibus conicis solem ambientium*，以後又有關乎此法之著作凡六種。

踵 Legendre 及 Gauss 而起者，若 Bessel, Euler, Jobueger, Lambert, Boscowich, Lagrange, Laplace 等，皆有功於此術者也。

今且進而言此法之原理。蓋人之官覺能力有限制，器具之精良非臻盡美，則觀察不能無舛差也。同一竿也，使甲乙並量其高，甲所報與乙所報不能盡同也。同一角也，用此器及彼器量其度分秒，二器所得不能一致也。同一人也，同一器也，使反覆量之，此次所得與彼次所得又不能無異也。一直角三角形也，量其三邊之長不能恰合於商高之定例也。（句方股方之和等於弦方，西人名曰 Pythagora's Law，在中國則商高時已知此定理。周髀算經曰，故折矩以爲句廣三，股脩四，徑隅五，既方其外半之一矩環而共盤得成三四五。又曰，若求邪至日者，以日下爲句，日高爲股，句股各自乘，並而開方除之得邪。）量其三角，不能並爲二直角無盈虧也。

今欲免舛差之弊，有一法可乎？曰：凡量一物大小，特一人，用一器，觀察一次足矣，羣言紛淆反足亂人意也。量直角三角形，得其二邊足矣，他邊之長可布籌而知也。得其二角足矣，他角可由一百八十度減已知之角而知也。畫蛇添足，非徒無益，又足害事也。

爲是言也，是無異士師之折獄，但據一證人之詞以爲斷，欲得其平難矣。夫證人多矣，詞各有異，苟合而加以審察，方可得其真情。測算亦然，必合多數之觀察窮其舛差之由來，究其大小，始可得幾近無差之結果。此則需乎平差之術 (Ausgleichung, srechung)，此最小二乘式算法之所由來也。

第一章 論觀察之差及其分類

觀察者之能力，與所獲舛差之大小頗有關繫。后羿一射萬夫決拾；弱子操弓，慈母閉門。蓋羿之於射有不失正鵠之能力，弱子則東西南北且莫適從，遑云射乎，無怪乎慈母之閉門也。然耕當命僕，織當命婢，射亦當命習射者，言舛差則就習射者言，不當就不習射者言之也。今試懸一招焉，畫同心三圜於其上，聚習射者而命之射，以圜心爲的，中之者鮮矣。不出乎初圜者，射之上者也，然爲數無幾。介乎初次圜之間者，次焉者也，能者居多焉。介乎次圜三圜之間者，下焉者也，在習射者之中亦不數睹焉。並三圜而不能入，則可無與於此射矣。故舛差有無理之舛差，有有理之舛差。招在東而射西，無理者也。雖不中鵠不遠矣，有理者也。舛差有麤微之別焉。次圜之外，麤者也。次圜之內，微者也。首圜之內，則更微矣。觀察者須能免於麤舛差，始可以事觀察。

麤舛差之原，不特此也。使以經緯儀測角而風撼其三足架，遠視鏡軸之方向已失而觀察者莫覺，使以氣壓儀測高而氣溫驟變，寒暑針已報其差而觀察者弗睹。凡此類事，一有不慎，麤舛隨之，不能免除，亦不足以事觀察也。

麤差可免，微差不能也。取術慎，觀察細，練習頻，固可限其差於極微極細。然欲純然無差，不可及也。

舛差之所由來，命曰差源。今欲於各種觀察之結果探其差源，難能事也。然以舛差發現之情形，可別之爲二類：(1) 其發現

也恆有一定之律，其方向恆不變，或常爲正，或常爲負。(2) 其發現也無一定之律，其方向非不變，可爲正，可爲負。請舉例以明之。設布尺量距。使尺之長稍有過焉，雖其差僅微忽，然每布尺一次卽增一微忽之差，其差與布尺之次數爲正比，與所量之距之遠近爲正比，其方向常爲正。如是者，名曰有律之舛差。

使所用布尺無微忽之過與不及，而布尺時或稍前，或稍後，雖其前後之差亦不過微忽，而其結果亦可以使觀察之數頗有出入。但布尺或過前過後，二者不敢必其一有而他無，其機會相等也。或巧遇之而過前者與過後者數適相等，正負適相消，則其差爲零，然而不可必也。或不巧遇之而俱過前或俱過後，其差俱爲正或俱爲負，則其差爲極盈，或正負之數不等而以正負之差爲差，則其差較弱，然亦不可必也。如是者，名曰無律之舛差。抑有一事可以斷言者，則無律之差，其增長率常遲於有律之差也。

舛差之源不一類，必探其源，別其類，始可以言平差。

二類之差，或其一與焉，或兩者俱與焉，必審觀察之結果而別之。

例若量一物之大小，用同一器，守同一法，受同一外感（氣候或他物理上感觸），反復數次而所得結果互有出入，但其差甚微，非可以視作麤者，則其源蓋無律者也。反是，若每量一次用器異，外感殊，法亦不一，而各得微差，則其源或爲有律，或爲無律，或俱有責焉，必合二者所得舛差之量而審別之，乃可以定某類舛差分劑之多寡。

第二章 論或是率, 邪差之或是率

天下事物，有可見其真是者，有不可見其真是而敢言其或是者。謂河中有鯉，吾敢言其真是也；謂釣於河而得鯉，吾但可言其或是也。或是者有等差焉。謂良馬日馳五百里，吾敢信其多分是而少分非。謂駿蹇日馳五百里，吾敢信其少分是而多分非。擲一骰於盆中，而欲得 $\therefore\therefore$ ，必不可得也。至 $\therefore\therefore$ 任取其一，必可得也。獨欲得 $\therefore\therefore$ ，則或可得或不可得，且多分不可得而僅少分可得。其不可得之率爲六之五，其可得之率爲六之一。蓋骰之六面，五面非 $\therefore\therefore$ ，僅一面爲 $\therefore\therefore$ 也。其可得之率，名曰或是率。

或是率何以定。曰：凡事物之遇也，有其機緣焉。機緣多者頻遇，機緣寡者罕遇。遊於稷下者所見多齊人，遊於郢者所見多楚人。於稷下則齊人之機緣多，而於郢則楚人之機緣多也。骰之六面， $\therefore\therefore$ 居其一，是 $\therefore\therefore$ 之機緣僅六之一也。故言某事物之或是率者，以某事物機緣之數與凡所可有機緣之數相比也。舛差亦然。命某舛差機緣之數爲 m ，凡所可有機緣數爲 n ，則該舛差之或是率爲

$$W = \frac{m}{n} \quad (1)$$

n 必大於 m ，故或是率 W 必恆小於 1。設 $m=n$ ，則 $W=1$ ：其義云何？則或是進而爲真是也。設使骰之六面俱爲 $\therefore\therefore$ ，則每擲皆 $\therefore\therefore$ ，不必言或是矣。 $\therefore\therefore$ 之機緣於是六，而骰所可現之面亦爲六，即凡所可有機緣之數爲六。以六比六，等於一。故一者，真是之謂也，亦可命爲或是率之單位。

設 $m=0$, 則 $W=0$, 無機緣, 即無或是率也. 故一骰所以不能擲七點者, 以骰之六面無七點之機緣也.

設欲以二骰擲七點, 則可. 其機緣凡有六, 因 $1+6, 2+5, 3+4, 4+3, 5+2, 6+1$, 俱為七也. 而凡所可有之機緣則凡三十六. 因此骰之每一面, 皆有一機緣與他骰任一面並列, 故此骰六面, 一一與他骰之六面相遞並列, 其機緣之數為 $6 \times 6 = 36$ 也. 於是知七點之或是率為 $\frac{6}{36} = \frac{1}{6}$.

設囊中有黑豆五, 白豆七, 黃豆九, 任出其一, 則黑豆之或是率為 $\frac{5}{21}$, 白豆之或是率為 $\frac{7}{21} = \frac{1}{3}$, 黃豆之或是率為 $\frac{9}{21} = \frac{3}{7}$.

設囊中三色豆之數如上. 任出其一, 欲其或為黑或為白, 則黑豆之機緣有五, 白豆之機緣有七, 二豆之機緣共有十二, 而凡所可有機緣之數為二十一. 故黑白豆任出其一之或是率為 $\frac{12}{21}$.

普通論之, 甲之機緣為 a , 乙之機緣為 b , 丙之機緣為 c , 甲乙機緣之和為 $a+b$, 凡所可有機緣之數為 $a+b+c$. 故甲或乙任出其一之或是率為 $W = \frac{a+b}{a+b+c} = \frac{a}{a+b+c} + \frac{b}{a+b+c}$.

甲獨出之或是率為 $W_1 = \frac{a}{a+b+c}$, 乙獨出之或是率為 $W_2 = \frac{b}{a+b+c}$, 故甲或乙任出其一之或是率為

$$W = W_1 + W_2, \quad (2)$$

名曰或是率之和.

設觀察時，一舛差 ϵ_1 之或是率爲 W_1 ，又一舛差 ϵ_2 之或是率爲 W_2 ，又一舛差 ϵ_3 之或是率爲 W_3 ，如是例推，則多舛差或是率之和爲

$$W = W_1 + W_2 + W_3 + \dots \quad (2')$$

設有二囊。甲囊貯黑豆五，白豆七。乙囊貯黑豆三，白豆六。而欲由每囊中各出一黑豆，則因甲囊中每一黑豆各有與乙囊中任一黑豆並出之一機緣，故二囊同時出一黑豆之機緣爲 $5 \times 3 = 15$ ，而凡所可有機緣之數則爲 $(5+7)(3+6) = 12 \times 9 = 108$ 。故二囊同時出一黑豆之或是率爲 $\frac{15}{108} = \frac{5}{36}$ 。

普通論之，設甲囊中有黑豆 a' ，白豆 b' ，乙囊中有黑豆 a'' ，白豆 b'' 。欲同時由二囊中各出一黑豆，則其或是率爲

$$W = \frac{a' a''}{(a'+b')(a''+b'')} = \frac{a'}{a'+b'} \cdot \frac{a''}{a''+b''}.$$

由甲囊出一黑豆之或是率爲 $W' = \frac{a'}{a'+b'}$ ，由乙囊出一黑豆之或是率爲 $W'' = \frac{a''}{a''+b''}$ 。故二囊同時各出一黑豆之或是率爲

$$W = W' \cdot W'', \quad (3)$$

名曰或是率之積。

設觀察多次，其每次舛差命爲 ϵ' , ϵ'' , ϵ''' , ..., 各舛差之或是率爲 W' , W'' , W''' , ..., 則其或是率之積爲

$$W = W' \cdot W'' \cdot W''' \cdots \cdots. \quad (4)$$

以上所舉諸例，各事物之機緣數，皆假定爲可數而知者也。故其或是率亦易知之。設其或是率不能算得，則可以其出現之頻數，返而推其或是率。

例如言煤礦工人，千人中僅二百五十人壽達六十齡。則任指一煤礦工人，推其壽命，可否達六十，其或是率不過 $\frac{250}{1000} = \frac{1}{4}$ 。

今再以是例推之於舛差。顧舛差之真值，難得知也。然一事物，觀察至多次，則雖不得其真，而其近似乎真者可比推而見也。近似乎真者，維何？曰，平均值是也。

下舉之例，豫定者二事。(一)龐舛差絕不至出現。(二)觀察用同法，用同器，同一謹密行之。

設一距離，量之二次。第一次得其長爲 l_1 ，第二次爲 l_2 ，二者數不相符，則俱非可命爲真長也。

姑命 L 為距離之長，所量得者或過之，爲 $l_1 = L + \epsilon_1$ ；或不及，爲 $l_2 = L - \epsilon_2$ ，是其舛差之方向，或爲正或爲負也。而正與負之機緣正相等耳。故舛差之和，必可望至正負相消而等於 0，即 $\epsilon_1 + \epsilon_2 = 0$ ($\epsilon_1 = +\epsilon$ ； $\epsilon_2 = -\epsilon$)。以兩次所得之值 l_1 及 l_2 相加而二分之，即得

$$L = \frac{l_1 + l_2}{2} = \frac{2L + \epsilon_1 + \epsilon_2}{2} = \frac{2L}{2} = \frac{l_1 + l_2}{2}, \quad (4)$$

名曰觀察結果之平均值，雖非真值而較爲密近者也。

若觀察 n 次，得 $l_1, l_2, l_3, \dots, l_n$ 諸值。每次各帶一舛差爲 $\epsilon_1, \epsilon_2, \epsilon_3, \dots, \epsilon_n$ ，其方向或爲正或爲負。因距機緣相等，故可命正負之數相等，即其和 $\epsilon_1 + \epsilon_2 + \epsilon_3 + \dots + \epsilon_n = [\epsilon]^{(1)} = 0$ 。姑命 L 為距離之長，則 $l_1 = L + \epsilon_1, l_2 = L + \epsilon_2, l_3 = L + \epsilon_3, \dots, l_n = L + \epsilon_n$ 。

(1) 凡數之和以方弧〔〕代諸加號，爲 Gauss 所創用。本書依用之。下倣此。

而

$$L = \frac{L + \epsilon_1 + L + \epsilon_2 + L + \epsilon_3 + \cdots + L + \epsilon_n}{n} = \frac{[L + \epsilon]}{n}$$

$$= \frac{nL + [\epsilon]}{n} = \frac{[l]}{n}, \quad (4)$$

爲觀察 n 次距離之平均值，雖不可遽命爲距離之真長，而較之觀察二次之平均值則更密近矣。

觀察之次數愈多，則其平均值愈近真值。

不得觀察之真值以定各舛差之或是率，就其平均值定之，亦可也。茲借一現成之例以明之。

昔 Bessel 測東普魯士之經緯度，其於 Trenk 站所測 Mednick-Fuchsberg 之角，凡十八次，其結果列舉如下表：

號 數	觀 察 角 度	舛 差
1	83° 30' 36.25"	-1.38"
2	7.50	-2.63
3	6.00	-1.13
4	4.77	+0.10
5	3.75	+1.12
6	0.25	+4.62
7	3.70	+1.17
8	6.14	-1.27
9	4.04	+0.83
10	6.96	-2.09
11	3.16	+1.71
12	4.57	+0.30
13	4.75	+0.12
14	6.50	-1.63
15	5.00	-0.13
16	4.75	+0.12
17	4.25	+0.62
18	5.25	-0.38
總 計		+10.71
		-10.64
平均 值 83° 30' 34.87"		

上表舛差，以各次觀察之數與其平均值相較而得者也。設論各舛差之或是率，則視各舛差之在

$0''$ 及 $1''$ 間者凡八

$1''$ 及 $2''$ 間者凡七

$2''$ 及 $3''$ 間者凡二

$3''$ 及 $4''$ 間者凡〇

$4''$ 及 $5''$ 間者凡一

總計舛差凡十有八。

由上統計中，可見舛差之小者，其遇也頻，舛差之大者，其遇也疏。蓋所用器壹，所用法同，其行量術也同一謹密，小差不能免，大差亦未易數數睹也。

由此觀之，舛差之或是率，關乎舛差之大小（關乎其精麤）。上統計中，舛差之在 $0''$ 及 $1''$ 間者凡八遇，與舛差總計十八相比爲 $\frac{8}{18} = \frac{4}{9}$ 。取 $0''$ 及 $1''$ 之平均值爲 $0.5''$ ，則 $0.5''$ 之或是率爲

$$W(0.5'') = \frac{4}{9} = 0.444\cdots\cdots.$$

但舛差之或是率，不但與其精麤有關繫也（如上例舛差之平均值爲 $0.5''$ ），且與其平均值上下二界之距有關繫（簡曰界距）。上例平均值 $0.5''$ ，其上下二界之距爲 $0''$ 至 $1'' = 1''$ ，其或是率固爲 $0.44\cdots$ 矣。設狹其界距，令由 $0.25''$ 至 $0.75''$ ，其平均值仍爲 $0.5''$ ，而其遇之次數僅爲三，即其或是率爲 $W(0.5'') = \frac{3}{18} = \frac{1}{6}$ 。舛差之數愈多，所取之界距愈狹，則或是率之大小可作與界距大小爲正比觀之。

上理若以分析法推之，命舛差 ϵ 之或是率爲 $W(\epsilon)$ ，因或是率關乎 ϵ 之大小，可命爲 ϵ 之函數，其關係可以 $\phi(\epsilon)$ 代之。又因其或是率與界距之大小爲正比，命界距爲 $d\epsilon$ (ϵ 之微分，蓋界距即舛差增長之一段也)，則或是率可總二關係爲

$$W(\epsilon) = \phi(\epsilon) d\epsilon. \quad (5)$$

即舛差 ϵ 在 $d\epsilon$ 界距中之或是率也。其上下二界爲

$$\epsilon - \frac{d\epsilon}{2} \text{ 及 } \epsilon + \frac{d\epsilon}{2},$$

或

$$\epsilon - d\epsilon \text{ 及 } \epsilon + d\epsilon.$$

ϵ 至 $d\epsilon$ 之間愈狹，則 $\phi(\epsilon) d\epsilon$ 之值愈小。設 $d\epsilon$ 小至無窮，則 $\phi(\epsilon) d\epsilon$ 亦小至無窮。如此，則借微分算法，可算一舛差於任意界距中之或是率。

設有多數舛差， ϵ 之或是率爲 $\phi(\epsilon) d\epsilon$ ， ϵ' 之或是率爲 $\phi(\epsilon') d\epsilon$ ， ϵ'' 之或是率爲 $\phi(\epsilon'') d\epsilon$ ，如是例推，皆以 $d\epsilon$ 等距遞列。於此諸舛差中欲任遇一舛差，則其或是率爲 ϵ 或 ϵ' 或 ϵ'' 等任遇其一各或是率之和(公式 2')。又命其距 $d\epsilon$ 小至無窮，則任取上下二界 a 及 b 間一舛差之或是率爲

$$W^b_a = \int_a^b \phi(\epsilon) d\epsilon. \quad (6)$$

第三章 論舛差函數

上章公式(6)內之 $\phi(\epsilon)$, 名曰舛差函數。欲知舛差在任二界 a 及 b 間之或是率, 必先知此函數。此函數之性質究若何, 吾敢斷言者, 有以下三端。


(1) 此函數必為偶函數。因觀察多次, 正舛差與負舛差機緣當相等(見上章), 則應

$$\phi(+\epsilon) = \phi(-\epsilon) \quad (7)$$

若非偶函數, 則不能符此例也。

(2) ϵ 之值增(無論正負, 以其絕對值言之), 則 $\phi(\epsilon)$ 之值減。因舛差愈龐, 其或是率應愈少也。

(3) $\epsilon=0$ 則 $\phi(\epsilon)=Max.$, 即舛差等於 0 則其或是率應最大也。



第 一 圖

試作圖以表之。作縱橫二軸 X 及 Y 。度 ϵ 於橫軸上，自元點 O 起向右爲正，向左爲負。由 X 任何點垂直向上度 $\phi(\epsilon)$ 與 Y 平行，則各點 $\phi(\epsilon)$ 之端點可聯成一曲線。試思此曲線應作何狀。

如第一圖：(1) 此曲線在 Y 軸兩側，必互相對稱，因 $\phi(+\epsilon) = \phi(-\epsilon)$ 故也。(2) X 軸必爲此曲線之漸近線，因舛差之遇，固巖者稀而細者密，然其巖細稀密，究無絕定之界限也。

舛差函數之性質，於此可略見一斑。顧其於 ϵ 之關係真狀，猶未知也，則請用下法以明之。

1. 用代數平均值求舛差函數法

一筆之長，兩次量之，得數不相符，則疑其一過長，一不足也。合兩得數而折中之，則約得其實矣。若更多次量之，則其得數之或過或不及，二者約各居其半，以其機緣相等故也。合多次得數，而以觀察之次數除之，則愈密近矣。名曰折中數，或曰代數平均值。代數平均值之或是率，在各觀察得數中，可以謂爲最大者也。

命各次觀察之得數（各次觀察俱同等審慎者）爲 l_1, l_2, \dots, l_n ，各帶一舛差爲 $\epsilon_1, \epsilon_2, \dots, \epsilon_n$ ，數之真值命爲 x 。

觀察所得之數補其舛差，即爲真值。故

$$\begin{aligned} x &= l_1 + \epsilon_1 = l_2 + \epsilon_2 = \dots = l_n + \epsilon_n \\ &= \frac{l_1 + l_2 + \dots + l_n}{n} + \frac{\epsilon_1 + \epsilon_2 + \dots + \epsilon_n}{n} = \frac{\Sigma l}{n} + \frac{\Sigma \epsilon}{n}. \end{aligned}$$

上式右端之第一項，非他，即觀察數 l 之代數平均值也。命爲 z ，故

$$x = \frac{l_1 + l_2 + \dots + l_n}{n} = \frac{[l]}{n}, \quad (8)$$

而 $x = \frac{[l]}{n} + \frac{[\epsilon]}{n} = x + \frac{[\epsilon]}{n}. \quad (9)$

n 愈增，則 $\frac{[\epsilon]}{n}$ 之值愈減。若 $n = \infty$ ，則 $\frac{[\epsilon]}{n} = 0$ 而 $x = x$ ，即觀察數之代數平均值可以作其真值觀也。然孰有此力觀察一事物至無窮次乎？故其真值吾不能驟得。若得觀察數之真值，則其所帶舛差之真值亦不難由

$$\epsilon_1 = x - l_1, \epsilon_2 = x - l_2, \dots, \epsilon_n = x - l_n$$

各式而顯然畢露。惟吾所知者，仍不過觀察數之代數平均值也，故其舛差亦不能即得其真而不過爲其或是之值命爲

$$\lambda_1, \lambda_2, \dots, \lambda_n$$

$$x = l_1 + \lambda_1 = l_2 + \lambda_2 = \dots = l_n + \lambda_n,$$

或 $x = \frac{[l]}{n} + \frac{[\lambda]}{n}. \quad (10)$

惟上曾命 $x = \frac{[l]}{n}$ ，則必 $\frac{[\lambda]}{n} = 0$.

n 為觀察之次數，不能期其至於無窮，故必

$$[\lambda] = 0. \quad (11)$$

由此可知舛差之性質，有正有負，積之，則彼此相消而化爲烏有也。

予於第二章之末，已以或是率之積用於觀察之外差，命 λ_1 之或是率爲 $\phi(\lambda_1) d\lambda_1$ ， λ_2 之或是率爲 $\phi(\lambda_2) d\lambda_2, \dots, \lambda_n$ 之或是率爲 $\phi(\lambda_n) d\lambda_n$ 。則於 n 次觀察令各舛差相遇俱見，其或是率爲各舛差或是率之積（公式（3'）），即